

Неделя четвертая Святых Постов, Иоанна Лествичника

Редакция и составление Г.Смирнова.
Храм Живоначальной Троицы в Останкино
Подворье Патриарха Московского и Всея Руси.

НА ВЕЛИЦЕЙ ВЕЧЕРНИ ПОСТАВИМ СТИХОВ 10

И поем стихиры Осмогласника: Воскресны 3, и Анатолиевы 4.

Таже Триоди подобны 3, глас 8.

Подобен: «О, преславного чудесе!»

Излож. Г.Смирнова

⑧ Яко у Господа милость и многое у Него избавление

и Той избавит Израиля от всех без-за-ко-ний е-го.

От-че И-о-ан-не пре-по-доб-не, вы-ну во-ис-тин-ну


Бо-жия в гортани возношени-я но-сил е-си по-у-ча-я-ся

де-тель-ней-шим, бо-го-дух-но-вен-ным сло-ве-сем все-муд-

ре, и от-ту-ду ис-те-каемою благодатию обо-га-тил-ся е-си,

быв бла-жен, нечестивых всех советования низ-вра-ща-я.

9 Хвалите Господа вси языцы,



(10) Яко утвердися милость Его на нас,

и ис - ти - на Гос - под - ня пре - бы - ва - ет во век.

От - че И - о - ан - не пре - по - доб - не, вос - пе - рив ум

к Бо - гу ве - ро - ю, мир - ского смешения омерзил еси не - по - сто -

ян - но - е; и крест твой восприим, Всевидцу по - сле - до - вал е - си;

те - ло не - о - буз - дан - но - е под - ви - га - ми о - бу - че - ни - я, по - мы - слу

по - ра - бо - тив, кре - по - сти - ю Бо - жест - вен - на - го Ду - ха.

Таже Триоди подобны 3, глас 8.
Подобен: «О, преславного чудесе!»

7. Стих: Яко у Господа милость и многое у Него избавление/ и Той избавит Израиля от всех беззаконий его.

Отче Иоанне преподобне,/ выну войстинну/ Божия в гортани возношения носил еси/ поучаяся дѣтельнейшим,/ богодухновенным словесем всемудре,/ и оттуду истекаемою благодатию обогатился еси,// быв блажен, нечестивых всех советования низвращая.

8. Стих: Хвалите Господа вси языцы/ похвалите Его вси людие.

Отче Иоанне преславне,/ слез источники душу очисти,/ и всенощными стоянии/ Бога умиловив, восперился еси/ к люблению Сего блаженне и красоте;/ еяже достойно ныне наслаждаешься,/ непрестанно радуясь, со страдальцы твоими,// богомудре преподобне.

9. Стих: Яко утвердися милость Его на нас/ и истина Господня пребывает во век.

Отче Иоанне преподобне,/ восперив ум к Богу верою,/ мирскаго смещения/ омерзил еси непостоянное;/ и крест твой восприим,/ Всевидцу последовал еси;/ тело необузданное/ подвигами обучения, помыслу поработив,// крепостию Божественнаго Духа.

«Слава» - глас 5:

Преподобне отче,/ гласа Евангелия Господня послушав,/ мир оставил еси,/ богатство и славу ни во чтоже вменив./ Отонудуже всем возопил еси:/ возлюбите Бога, и обрящете благодать вечную./ Ничтоже предпочтите паче любви Его,/ да егда приидет во славе Своей,/ обрящете упокоение со всеми святыми,/ ихже молитвами, Христѣ,// сохрани и спаси души наша.

«И ныне» - Догматик гласа.

Вход. Свете тихий:

На литии же, яко обычно, стихира храма.

НА СТИХОВНЕ

Стихиры Осмогласника.

«Слава» - преподобного, глас 2:

На земли а́нгела/ и на небесех человека Бо́жия,/ мѣра благоукрашение, наслаждѣние благѣх,/ добродетелей постнических похвалу, Ио́анна почтѣм:/ насажден бо в дому Божии, процвете прáведно,/ и я́ко кедр в пусты́ни/ умножи стада Христова словéсных овéц,// в преподобии и прáвде.

«И ныне» - Богородичен:

О, чудесе новаго всех дрéвних чудес!/ кто бо позна Матерь без мужа рóждшую,/ и на рукú носящую, всю тварь содержа́щаго?/ Божие есть изволение, рóждшееся./ Егоже яко младенца, Пречѣ́стая,/ Твоѣ́ма рукама носѣ́вшая,/ и Матерне дерзновение к нему имúщая,/ не престай молящи о чтúщих Тя,// ущедрити и спасти души на́ша.

По Трисвятом тропарь Богородице Дево: дважды.

И преподобному, единожды. Глас 1:

Пустынный житель и в телеси а́нгел,/ и чудотво́рец явился еси, богоносе отче наш Ио́анне;/ постóм, бдением, молитвою небесная дарова́ния приѣ́м,/ исцеляеши недужныя, и души верою притека́ющих тѣ./ Сла́ва Давшему ти крѣ́пость,/ слава Венча́вшему тя,// слава Действующему то́бою всем исцелѣ́ния.

И прочее последование бдения, яко обычно.

НА УТРЕНИ

На «Бог Господь» во глас Осмогласника, и глаголем тропарь воскресен дважды.

Слава, преподобному, глас 1:

Пустынный житель и в телеси а́нгел,/ и чудотво́рец явился еси, богоносе отче наш Иоа́нне;/ посто́м, бдением, молитвою небесная дарова́ния при́йм,/ исцеляеши недужныя, и души верою притека́ющих тѣ./ Сла́ва Давшему ти крѣпость,/ слава Венча́вшему тя,// слава Действующему тобою всем исцелѣ́ния.

И ныне, Богородичен:

Гаври́илу, вещавшу Тебе Дево, ра́дуйся,/ со гласом воплощашеся всех Влады́ка,/ в Тебе́, Святем Киво́те,/ якоже рече пра́ведный Дави́д;/ яви́лася еси ши́ршая небѣс,/ поносивши Зижди́теля Твоего́./ Сла́ва всѣльшемуся в Тя́,/ слава прошедшему из Тебе́,// слава свободившему нас Рожде́ством Твои́м.

И прочее все воскресно. Покаяния отверзи:

Ирмосы воскресные, гласа.

Катавасия, Пресвятей Богородице, глас 4-й

Песнь 1

Катавасия: Отверзу уста моя,/ и напо́лнятся Ду́ха,/ и слово отрыгну Царице Ма́тери,/ и явлюся светло торжеству́я,// и воспою ра́дуясь То́я чудеса́.

Песнь 3

Катавасия: Твоя песнословцы, Богоро́дице,/ живы́й и неза́ви́стный исто́чнице,/ лик себе совокупльшия, духовно ут-

верди:/ в Божественной Твоей славе// венцев славы сподоби.

Песнь 4

Катавасия: Седяй в славе,/ на престоле Божества,/ во облаце лёгце/ прииде Иисус Пребожественный,/ нетленною дланию,/ и спасе зовущия:// слава, Христэ, силе Твоей.

Песнь 5

Катавасия: Ужасошася всяческая/ о Божественной славе Твоей:/ Ты бо, Неискусобрачная Дёво,/ имела еси во утробе над всеми Бóга/ и родила еси безлетного Сына,/ всём воспевающим Тя// мир подавающая.

Песнь 6

Катавасия: Божественное сие и всечестное/ совершающе празднество,/ богомудрии, Богомáтере/, приидите, руками восплещим,// от Ней рождаемого Бóга славим.

КОНДАК ПРЕПОДОБНАГО, ГЛАС 4:

На высоте Господь воздержания/ истинна ты положи,/ якоже звезду нелестную,/ световодящую концы,// наставниче, Иоанне, óтче наш.

Песнь 7

Катавасия: Не послужиша твари богомудрии/ паче Создавшего,/ но огненное прещение мужески поправше,/ радовахуся поюще:// препетый отцев Господь и Бóг благословен еси.

Песнь 8

Катавасия: Отроки благочестивыя в пещи/ Рождество Богородино спасло есть;/ тогда убо образуемое,/ ныне же

дѣйстви́мое,/ вселенную всю воздвизает пѣти Тебѣ:/
Господа пойте дела́// и превозносите Его́ во вся вѣки.

Песнь 9

Катавасия: Всяк земнорóдный/ да взыграется, Духом про-
свещáемь,/ да торжествует же безплотных умóв естество́,/
почитающее священное торжество́ Богомáтере,/ и да во-
пиёт:/ рáдуйся, Всеблажénная// Богородице, Чíстая При-
снодéво.

НА ХВАЛИТЕХ ПОСТАВИМ СТИХОВ 8

И поем стихиры Осмогласника.

Таже, глас 1:

1. Стих: Воскресни, Господи Боже мой, да вознесется рука
Твоя,/ не забуди убогих Твоих до конца.

Приидите делаим в тайном виногра́де,/ плоды покаяния в
нем творя́ще,/ не в бра́шнях и питиих тружда́ющеся,/ но в
моли́твах и постех добродетели исправля́юще;/ сими угож-
даемый Господь дела, дина́рь подаёт,/ и́мже души избавляет
долга грехóвнаго,// един Многоми́лостивый.

«Слава» - глас 1:

Приидите делаим в тайном виногра́де,/ плоды покаяния в
нем творя́ще,/ не в бра́шнях и питиих тружда́ющеся,/ но в
моли́твах и постех добродетели исправля́юще;/ сими угож-
даемый Господь дела, дина́рь подаёт,/ и́мже души избавляет
долга грехóвнаго,// един Многоми́лостивый.

И ныне: Препоблагословенна еси:

**Славословие великое, и тропарь воскресен. Таже ектении, и
отпуст. И стихира евангельская, и час первый.**

НА ЛИТУРГИИ

изобразительныя, и блаженны гласа.

ПО ВХОДЕ:
[В храме Господском]

Тропарь воскресен, гласа.

Тропарь преподобному, Глас 1:

Пустынный житель и в телеси áнгел,/ и чудотвóрец явился еси, богоносе отче наш Иоáнне;/ постóм, бдением, молитвою небесная даровáния при́йм,/ исцеляеши недужныя, и души верою притекающих тѣ./ Сла́ва Давшему ти крѣпость,/ слава Венча́вшему тя,// слава Действующему тобою всем исцелѣния.

Слава: Кондак преподобнаго, глас 4:

На высоте Господь воздержáния/ ѱстинна тѣ положи́,/ якоже звезду нелѣстную,/ световодящую концы́,// наставниче, Иоанне, óтче наш.

И ныне: Кондак воскресен, гласа.

Прокимен апостола, рядового гласа.

Таже преподобнаго, глас 7: Восхвалятся преподобнии во славе/ и возрадуются на ложах своих. Стих: Воспойте Господеви песнь нову.

Апостол дне ко евреям, зачало 314. Таже преподобнаго ко ефесеем, зачало 229. Аллилуия, гласа, и преподобнаго. Стих: Насаждени в дому Господни во дворех Бога нашего процветут. Евангелие от Марка, зачало 40. И преподобнаго, от Матфея, зачало 10.

Причастный: Хвалите Господа с небес: Другий: В память вечную:

